



EBAZPENA, 2020ko ekainaren 12koa, Hezkuntza sailburuordearena eta Lanbide Heziketako sailburuordearena, Euskal Autonomia Erkidegoko Derrigorrezko Bigarren Hezkuntzako, Batxilergoko eta Lanbide Heziketako ikastetxe publikoetan, Lanbide Heziketako ikastetxe Bateratuetan izan ezik, 2020-2021 ikasturterako eskola-egutegia egiteko osagarritzko arautegia ematen duena.

2020-21 ikasturtea argi eta garbi markatuko dute 2019-20 ikasturteari eragin dioten inguruabarrek. Testuinguru hau kontuan hartuta, 2020-2021 ikasturterako eskola-egutegia egiteko arau osagarriak eman behar dira.

Euskal Autonomia Erkidegoko Bigarren Hezkuntzako Institutuetan eta Ikastetxe Publiko Integraletan Derrigorrezko Bigarren Hezkuntzako, Batxilergoko eta Lanbide Heziketako mailetan 2020-2021 ikasturteko eskola-egutegiak, Oinarrizko Lanbide Heziketakoak barne, ondoko arauei jarraituko die:

1.- Ikastetxe publikoetako irakasle guztiak ikastetxera irailaren 1ean sartuko dira, 2020-2021 ikasturteko hasieraren jarduerak egiteko. Irakas-jarduerak ezingo dira 2020ko irailaren 7a baino lehen hasi. Lehenengo irakas-eguna 2020-2021 ikasturtearen aurkezpena egiteko erabili ahal izango da.

Beranduen jota ere, ekainaren 18an bukatuko dira 2020-2021 ikasturtearen irakas-jarduerak, Azken eskola-eguna eta ekainaren 30era bitarteko epean ondoko lanak burutuko dira: Derrigorrezko Bigarren Hezkuntzako aparteko deialdiko azterketak, ikasturtea aztertu eta ebaluatzeko berariazko lanak, programazioak, urteko memoria, eta egin beharreko administrazio ekintzak. Uztailean ikastetxeko zuzendaritza-taldeko kideek euren karguen zereginak bete beharko dituzte. Hilabete horretan eta klaseak ematen ez diren ikasturteko beste egun edo aldietan, (abuztuan salbu), zuzendaritza-taldeko kide bat, gutxienez, beti izango da ikastetxean edo berehala ikastetxean izateko moduan.

2.- **Derrigorrezko Bigarren Hezkuntzako** etapan ikasleek 1050 irakastordu jasoko dituzte gutxienez, 175 irakastegunetan banatuta. Aparteko deialdiko azterketak ikasturtearen azken irakastegunetik ekainaren 30era egingo dira, 175 eskola-egunak bete ondoren.

2019-20 ikasturtean gertatutako konfinamendu-aldiaren ondorioz gertatutako kontingentziak direla eta, antzeko egoera bat gerta litekeela aurreikusiz, salbuespen gisa, 2020-2021 ikasturterako, Bigarren Hezkuntzako ikastetxeek goizeko lanaldi jarraian eman ahal izango dute ikasturte osoa, 6 eskola-saio eginez, iraupen berekoak, eta bakoitzak gutxienez 55 minutuko iraupena izango du. Gainera, atsedenaldi bat edo gehiago egongo dira, guztira gutxienez 30 minutuko atsedenaldia osatuz. Horretarako, Ordezkaritza Organo Gorenak proposamen arrazoitua eta onartua aurkeztu beharko dio lurralde-ikuskaritzan, eta honek dagokion txostena egingo dio lurralde-ordezkaritari. Txosten hori aztertu ondoren, lurralde-ordezkariek, egokitzen jotzen badu, oniritzia emango dio proposamenari.

Ordutegiak ondoko baldintza hauek bete behar ditu:

- a) Eskolak goizenez goizeko 8etan hasiko dira, eta beranduenez goizeko 9etan.
- b) Gehienez, hiru eskola-ordu emango da jolasgarairik egin gabe.



c) Jolasgaraien denborak 15 minutuko iraupena izango dute gutxienez. Egun osoan zehar jolasgarai bakarria balego, 30 minutuko iraupena izango luke gutxienez.

d) Goizeko eta arratsaldeko lanaldia aukeratzen bada, gutxienez ordu eta erdiko atsedenaldia egon beharko da goizeko eta arratsaldeko lanaldien artean.

Puntu honetan xedatutakoarekiko aldaketak, orokorrean eta/edo balizko larrialdi-egoera baten ondorioz gertatuko balira, une bakoitzean dagokion araudiaren bidez behar bezala arautuko lirateke.

3.- Batxilergoko 1. kurtsoan ikasturteak gutxienez 175 irakastegun izango ditu, eta horietatik 160, gutxienez, benetako eskola egunak. Aurkezpena egiteko erabilitako eguna benetako eskola egun horien barruan sartu ahal izango da. 160 egun horietako bakar batean ere ezingo zaio eskola emateari utzi azterketak egiteko, ezta ebaluazio bilerak, klaustroak eta antzeko jarduerak egiteko ere.

Batxilergoko 1. kurtsoan asteko 34 klase-orduak emateko, asteko lau egunetan 7 klase-ordu emango dira eta beste egunean, berriz, 6 klase-ordu, eta aldez aurretik erabakiko da zein egunean zenbat ordu eman. Klase guztiek 55 minutuko iraupena izango dute gutxienez. Salbuespen gisa, 2020/21 ikasturtean, hainbat hezkuntza-etapa ematen diren ikastetxeetan, ordutegiak bateratu ahal izateko, on-line modalitatean eman ahal izango da, gehienez ere 4 orduz.

Batxilergoko 1. kurtsoan klaseak 2021eko maiatzaren 28an bukatuko dira, 160 benetako eskola egun eman ondoren.

Maiatzaren 31tik ekainaren 18ra bitartean, (biak barne), honako jarduera hauek egiteari ekingo zaio:

- Ohiko deialdiaren probak eta azken ebaluazioak egitea, notak ematea eta erreklamazioak erabakitzea.

- Ez ohiko deialdiaren probak eta azken ebaluazioak egitea, notak ematea eta erreklamazioak erabakitzea.

Egun horiek ez dira 160 benetako eskola egunen barruan sartuko, baina bai 175 ikasturtearen irakastegunen barruan.

4.- Batxilergoko 2. kurtsoan ikasturteak gutxienez 175 irakastegun izango ditu, eta horietatik 160, gutxienez, benetako eskola egunak. Aurkezpena egiteko erabilitako eguna benetako eskola egun horien barruan sartu ahal izango da. 160 egun horietako bakar batean ere ezingo zaio eskola emateari utzi azterketak egiteko, ezta ebaluazio bilerak, klaustroak eta antzeko jarduerak egiteko ere.

Batxilergoko 2. kurtsoan asteko 33 klase-orduak emateko, asteko bi egunetan 6 klase-ordu emango dira eta beste egun hirutan, berriz, 7 klase-ordu, eta aldez aurretik erabakiko da zein egunean zenbat ordu eman. Klase guztiek 55 minutuko iraupena izango dute gutxienez.



Salbuespen gisa, 2020/21 ikasturtean, hainbat hezkuntza-etapa ematen diren ikastetxeetan, ordutegiak bateratu ahal izateko, on-line modalitatean eman ahal izango da, gehienez ere 3 orduz.

Batxilergoko 2. kurtsoan 2020-2021 ikasturtearen ohiko klaseak 2021eko maiatzaren 18an bukatuko dira, gutxienez 152 benetako eskola egun eman ondoren.

Maiatzaren 19tik ekainaren 18ra bitartean, (biak barne), honako jarduera hauek egiteari ekingo zaio:

- Ohiko deialdiaren probak eta azken ebaluazioak egitea, notak ematea eta erreklamazioak erabakitzea.

- Selektibitateko azterketa eta ez-ohiko deialdiko probak prestatzeko eskolak ikasleei ematea. Ez-ohiko deialdiko probak prestatzeko eskoletan derrigor hartuko dute parte gainditu ez duten ikasleek, eta gainerakoek nahi badute. Edonola ere, bai eskola horien bidez, bai antolatuko daitezkeen beste eskola edo jarduera alternatiboen bidez, ikastetxeek bermatu egin behar dute Batxilergoko bi mailetako ikasleek benetan, eta gutxienez, 2008ko martxoaren 10ko Aginduak zehazten dituen 160 eskola egun efektiboak izango dituztela.

- Ez ohiko deialdiaren probak eta azken ebaluazioak egitea, notak ematea eta erreklamazioak erabakitzea.

Ohiko eta ez ohiko deialdien probak eta azken ebaluazioak egiteko, notak emateko eta erreklamazioak erabakitzeke erabilitako egunak ez dira 160 benetako eskola egunen barruan sartuko, baina bai 175 ikasturtearen irakastegunen barruan.

5.- **Lanbide Heziketako** etapan, Oinarrizko Lanbide Heziketa barne, ikasturteak gutxienez 175 irakastegun izango ditu, eta horietatik 165, (33 aste)¹, benetako eskola egunak. Aurkezpena egiteko erabilitako eguna benetako eskola egun horien barruan sartu ahal izango da. Eskola-saio guztiak 60 minutukoak izango dira, salbu Batxilergoko eta Lanbide Heziketako ordutegiak koordinatzeko dagokion egokitzapena egin behar denean, 7 eskola-saio ematen diren egunetan, edo ikasleekin beste proiektu batzuk egiten direnetan; azken hauetan eskola-saio bakoitzak gutxienez 55 minutuko iraupena izan dezake. 165 egun horietako bakar batean ere ezingo zaio eskola emateari utzi azterketak egiteko, ezta ebaluazio bilerak, klaustroak eta antzeko jarduerak egiteko ere.

Nolanahi ere, probak, erreklamazioak egitea eta notak ematea:

A. LOE Zikloak:

- a) 1. ikasturteko 1. amaierako ebaluazioa
- b) 2. ikasturteko 2. amaierako ebaluazioa

B. LOGSE Zikloak:

¹ 2000 ordutik beherako Lanbide Heziketako heziketa-zikloen kasuan ere lehenengo ikasturteak gutxienez 165 benetako eskola egun izango ditu. Bigarren ikasturtean egutegia ezarriko da heziketa-ziklo bakoitzaren iraupena kontuan hartuta; halaber, bermatuko da curriculumak zehazten duen arauak zehazten duen ordu-kopurua ikasle guztiei ematea.



- a) 1. ikasturteko amaierako ohiko ebaluazioa
- b) Zikloko ezohiko amaierako ebaluazioa

beranduen jota ere, ekainaren 4an burutuko da.

Probak, erreklamazioak egitea eta notak ematea honako hauetan ere:

A. LOE Zikloak:

- a) 1. ikasturteko 2. amaierako ebaluazioa

B. LOGSE Zikloak:

- a) 1. ikasturteko amaierako ezohiko ebaluazioa

beranduen jota ere, ekainaren 30ean burutuko da.

Txandakako erregimenean eskainitako prestakuntza dualeko planetan ikasten dutenen jardueraren egutegia dagokion dokumentuak, kontratuak edo akordioak ezarritakoari lotuko zaio; dokumentu, kontratu edo akordiook planen oinarria dira eta erregelamenduz daude onartutaa.

6.- Hezkuntza-maila bakoitzaren azken ikasturtea amaitzeko egutegia finkatzerakoan, kontuan hartu beharko dira ondorengo irakaskuntzetara sartzeko prozeduretarako ezarri diren datak, ikasleek prozedura horietan parte hartzeko duten eskubidea bermatzeko

7.- Ezinbesteko kasuren batengatik eskola ordu kopurua murriztuz gero, egutegia egokitu egingo da, ezarritako eskola egunak ematea lortzeko, beti ere langileen lan eskubideak errespetatuz.

Nahiz eta ikasleek –banaka zein taldeka- parte ez hartu, ikastetxeek eskolak eman egingo dituzte, ordutegi ofiziala errespetatuz.

Egutegia egokitu behar izanez gero, hasierako prozedura –egutegia finkatzeko erabilitakoa- bera erabiliko da, eta hori ez badu gobernu organo eskudunak egiten, Hezkuntzako Ikuskaritzak eskatuko du egutegia egoki dezaten. Eskaera horri erantzun ezean, Hezkuntzako Ikuskaritzak egokituko du egutegia eta ikastetxeari jakinaraziko dio.

8.- Eskola-egutegia egiteko, dagokion urteko Autonomia Erkidegoko lanegunetako jaiegunen egutegi ofizialaren arabera jaiegun izaera dutenak izango dira jaiegunak, baita herri edo dagokien lurraldeko zaindarien jaiegunak ere. Edonola ere ezin izango da jaiegun hauetakoren bat eskola-egun edo eskolak ematen diren egun bezala hartu.

Ikastetxeek, nahi izanez gero, jaieguntzat hartu ahal izango dute maila jakin bateko zaindariaren eguna, dagokion egunean zein aukeratzen duten ordezkaturako beste egun batean ospatuz. Halaber, nahi izanez gero, ikastetxean irakasten diren maila ezberdinen zaindarien jaieguna egun bakar batean ospatu ahal izango dute. Edonola ere ezin izango da jaiegun hori eskola-egun edo eskolak ematen diren egun bezala hartu.



9.- Eguberritako oporraldiak 2020ko abenduaren 24tik 2021eko urtarrilaren 6ra bitarteko aldia, gutxienez, hartuko du, bi egun horiek barne.

Aste Santuko oporraldiak, 2021eko apirilaren 1etik 5era bitarteko aldia, gutxienez, hartuko du, bi egun horiek barne.

10.- Eskola egutegiaren proposamena tramitatzeko 2008ko martxoaren 10ean Hezkuntza, Unibertsitate eta Ikerketa sailburuak emandako Aginduko 9. atalean ezarritakoari jarraituko zaio, (2008ko apirilaren 25eko EHAA).

Egutegi proposamena ikastetxeko Ordezkaritza Organo Gorenak egingo eta onartuko du, baina osasun publikoko arrazoiak direla-eta kide guztiak deitzea komeni ez dela uste den zentroetan, egutegia Batzorde Iraunkorrek onartuko du. Ordezkaritza Organo Gorena osatu gabe badago, irakasleen klaustroak egingo eta onartuko du egutegi proposamena.

2020ko ekainaren 23a baino lehen, ikastetxeetako zuzendariek Hezkuntza Sailak horretarako espresuki diseinaturiko aplikazio informatikoa erabiliz hurrengo ikasturteko eskola-egutegiaren proposamena egingo dute, beti ere Hezkuntzako Ikuskaritzak jakinaraziko dizkien argibideak jarraituz. Ikastetxeek aplikazio horretan ikastetxeko Ordezkaritza Organo Gorenak eskola-egutegiaren proposamena onetsi zuen data adieraziko dute. Organo horrek eskola-egutegiaren proposamena onetsi zuen bilkurako akta ikastetxean bertan artxibatuko da eta Hezkuntza Ikuskaritzaren eskura izango da.

Zenbait ikastetxek, garraioa edo jangela konpartitzen dituztenek, egutegi proposamen bakarra eta berdina egingo dute, inplikaturiko ikastetxe guztietako ordezkariak organo gorenek onartuta.

11.- Ikastetxeren batek, finkatutako epealdiaren barruan beren eskola-egutegiaren proposamena bidaltzen ez badu, edo bidalitakoa onartzen ez bada, dagokion Hezkuntza Lurralde Ordezkariak egindakoa onartu behar izango du.

Vitoria-Gasteiz, 2020ko ekainaren 12a

HEZKUNTZA
SAILBURUORDEA

Izp.: Miren Maite Alonso Arana

LANBIDE HEZIKETAKO
SAILBURUORDEA

Izp.: Jorge Arévalo Turrillas

